



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՆԵՐՔԻՆ ԳՈՐԾԵՐԻ ՆԱԽԱՐԱՐՈՒԹՅՈՒՆ
ՈՍՏԻԿԱՆՈՒԹՅԱՆ ՊԵՏ - ՆԵՐՔԻՆ ԳՈՐԾԵՐԻ ՆԱԽԱՐԱՐԻ ՏԵՂԱԿԱԼ**

Հ Ր Ա Մ Ա Ն



ԹԻՎ 25-ձ

ՀՐԱՁԳՈՒԹՅԱՆ ՀՐԱՀԱՆԳՉԻ ՈՐԱԿԱՎՈՐՄԱՆ ՔՆՆՈՒԹՅԱՆ ՀԱՆՁՆԱԺՈՂՈՎԻ ԿԱԶՄԸ ԵՎ ՀԱՆՁՆԱԺՈՂՈՎԻ ԿԱՆՈՆԱԴՐՈՒԹՅՈՒՆԸ ՀԱՍՏԱՏԵԼՈՒ ՄԱՍԻՆ

Հիմք ընդունելով Հայաստանի Հանրապետության ներքին գործերի նախարարության ոստիկանության պետ-ներքին գործերի նախարարի տեղակալի 2023 թվականի մայիսի 24-ի թիվ 5-Ն հրամանի հավելված N 3-ի 3-րդ կետը և Հայաստանի Հանրապետության ներքին գործերի նախարարի 2023 թվականի մարտի 14-ի թիվ 4-Լ հրամանի հավելվածի 19-րդ կետի 5-րդ և 9-րդ ենթակետերի պահանջները.

ՀՐԱՄԱՅՈՒՄ ԵՄ՝

1. Հաստատել հրաձգության հրահանգչի որակավորման քննության հանձնաժողովի հետևյալ կազմը՝
 - 1) Հայաստանի Հանրապետության ներքին գործերի նախարարության ոստիկանության հասարակական անվտանգության ապահովման գլխավոր վարչության պետ (հանձնաժողովի նախագահ),
 - 2) Հայաստանի Հանրապետության ներքին գործերի նախարարության ոստիկանության հասարակական անվտանգության ապահովման գլխավոր վարչության հասարակական կարգի ապահովման վարչության պետի տեղակալ (հանձնաժողովի նախագահի տեղակալ),

3) Հայաստանի Հանրապետության ներքին գործերի նախարարության ոստիկանության՝ պետական պահպանության գլխավոր վարչության ծառայության վարչության պետի տեղակալ (հանձնաժողովի անդամ),

4) Հայաստանի Հանրապետության ներքին գործերի նախարարության ոստիկանության հասարակական անվտանգության ապահովման գլխավոր վարչության հասարակական կարգի ապահովման վարչության լիցենզավորման և թույլտվության աշխատանքների կազմակերպման բաժնի պետ (հանձնաժողովի անդամ),

5) Հայաստանի Հանրապետության ներքին գործերի նախարարության ոստիկանության հասարակական անվտանգության ապահովման գլխավոր վարչության հասարակական կարգի ապահովման վարչության լիցենզավորման և թույլտվության աշխատանքների կազմակերպման՝ բաժնի պետի տեղակալ, ինքը և մասնավոր պահնորդական գործունեության վերահսկողության բաժանմունքի պետ (հանձնաժողովի անդամ),

6) Հայաստանի Հանրապետության ներքին գործերի նախարարության կրթահամալիրի ուսումնական կենտրոնի ընդհանուր պատրաստականության կրթաճյուղի պետ (հանձնաժողովի անդամ),

7) Հայաստանի Հանրապետության ներքին գործերի նախարարության ոստիկանության հասարակական անվտանգության ապահովման գլխավոր վարչության հասարակական կարգի ապահովման վարչության լիցենզավորման և թույլտվության աշխատանքների կազմակերպման բաժնի հատկապես կարևոր հանձնարարություններով ավագ տեսուչ (հանձնաժողովի քարտուղար):

2. Հաստատել հրաձգության հրահանգչի որակավորման քննության հանձնաժողովի կանոնադրությունը՝ համաձայն հավելվածի:

3. Հրամանը ծանոթացնել Հայաստանի Հանրապետության ներքին գործերի նախարարության իրավասու ծառայողներին (աշխատողներին):

ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ



Ա. ՀՈՎՀԱՆՆԻՍՅԱՆ

« 08 » 09 2023թ.

ք. Երևան

Հավելված
ՀՀ ներքին գործերի նախարարության
ոստիկանության պետ-ներքին
գործերի նախարարի տեղակալի
2023 թվականի 28 09-ի
թիվ 25-L հրամանի

ԿԱՆՈՆԱԴՐՈՒԹՅՈՒՆ

ՀՐԱՁԳՈՒԹՅԱՆ ՀՐԱՀԱՆԳՉԻ ՈՐԱԿԱՎՈՐՄԱՆ ՔՆՆՈՒԹՅԱՆ ՀԱՆՁՆԱԺՈՂՈՎԻ

1. ԸՆԴՀԱՆՈՒՐ ԴՐՈՒՅԹՆԵՐ

1. Հայաստանի Հանրապետության ներքին գործերի նախարարության ոստիկանությունում հրաձգության հրահանգչի որակավորման քննության հանձնաժողովը (այսուհետև՝ հանձնաժողով) ստեղծվում և դրա կազմը փոփոխվում է Հայաստանի Հանրապետության ներքին գործերի նախարարության ոստիկանության պետ-ներքին գործերի նախարարի տեղակալի հրամանով:

2. Հանձնաժողովն իր գործունեության ընթացքում ղեկավարվում է Հայաստանի Հանրապետության օրենսդրությամբ և սույն կանոնադրությամբ:

2. ՀԱՆՁՆԱԺՈՂՈՎԻ ԽՆԴԻՐՆԵՐՆ ՈՒ ԳՈՐԾԱՌՈՒՅԹՆԵՐԸ

3. Հանձնաժողովի հիմնական խնդիրները հրաձգության հրահանգչի որակավորման քննության կազմակերպումն ու անցկացումն են:

4. Հանձնաժողովն իրեն վերապահված խնդիրներին համապատասխան և սույն կանոնադրությամբ նախատեսված կարգով իրականացնում է հետևյալ գործառույթները՝

1) էլեկտրոնային եղանակով որակավորման քննության անցկացում՝ թեստավորման առաջադրանքների միջոցով:

2) որակավորման քննության դրական գնահատականների հիման վրա որոշման ընդունում՝ թեկնածուներին հրահանգչի որակավորման վկայականներ տրամադրելու վերաբերյալ:

3) Հայաստանի Հանրապետության օրենսդրությամբ սահմանված այլ գործառույթներ:

3. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԿԱԶՄԱԿԵՐՊՈՒՄԸ

5. Հանձնաժողովը իր աշխատանքները կազմակերպում է նիստերի և դրանց նախորդող նախապատրաստական աշխատանքների իրականացման միջոցով: Նիստերը հրավիրվում են ըստ անհրաժեշտության:

6. Հանձնաժողովը կազմված է հանձնաժողովի նախագահից, նախագահի տեղակալից, չորս անդամներից և քարտուղարից:

7. Հանձնաժողովի նիստն իրավազոր է, եթե ապահովվել է հանձնաժողովի նախագահի կամ հանձնաժողովի նախագահի տեղակալի և հանձնաժողովի անդամների առնվազն կեսից ավելիի մասնակցությունը:

8. Հանձնաժողովի նիստերի ընթացքի և ընդունված որոշումների վերաբերյալ կազմվում է արձանագրություն, որը ստորագրում են հանձնաժողովի նախագահը, հանձնաժողովի նախագահի տեղակալը, անդամները և քարտուղարը:

9. Հանձնաժողովը՝

1) կազմակերպում և իրականացնում է որակավորման քննության աշխատանքները.

2) ընդունում է որակավորման քննությանը մասնակցելու համար դիմած անձի (անձանց) կողմից ներկայացված անհրաժեշտ փաստաթղթերը, ստուգում դրանց ճշտությունն ու ամբողջականությունը.

3) համապատասխան հարցումներ կատարելու միջոցով պարզում է թեկնածուի կողմից հանցագործություն կատարած լինելու կամ հանցագործության համար դատվածության՝ սահմանված կարգով վերացված կամ մարված լինելու հանգամանքները.

4) կազմում է որակավորման քննության թեստավորման հարցաշարը և թեստավորման առաջադրանքները.

5) որակավորման քննության թեստավորման հարցաշարը քննության օրվանից ոչ ուշ, քան վեց ամիս առաջ, պարտադիր հրապարակում է <http://www.police.am> ինտերնետային կայքում.

6) որակավորման քննությանը մասնակցելու համար անհրաժեշտ փաստաթղթերի ներկայացման ժամկետների վերաբերյալ որակավորման քննությունից առնվազն մեկ ամիս առաջ Հայաստանի Հանրապետության ներքին գործերի նախարարության պաշտոնական կայքում՝ <https://mia.gov.am> և Հայաստանի Հանրապետության հրապարակային ծանուցումների պաշտոնական կայքում՝ <http://www.azdarar.am> տեղադրում է իրազեկում.

7) որակավորման քննության անցկացման օրվա, ժամի և տեղի վերաբերյալ քննությանը մասնակցող թեկնածուներին պատշաճ կերպով ծանուցում է որակավորման քննությունից առնվազն յոթ օր առաջ: Ծանուցումը տրվում է գրավոր՝ ըստ անձի նշած հասցեի, իսկ նրա ցանկությամբ՝ նաև հեռախոսով, էլեկտրոնային փոստով:

8) հրապարակում է որակավորման քննության օրվա արդյունքները՝ նույն օրը ամփոփելուց հետո մեկ ժամվա ընթացքում:

9) քննարկում է որակավորման քննության արդյունքների հետ կապված բողոքները, որոնց պատասխանում է նույն օրը:

10) որակավորման քննության արդյունքներով 10 աշխատանքային օրվա ընթացքում թեկնածուներին տրամադրում է որակավորման ստուգման վկայականներ:

11) իրականացնում է սույն հրամանով սահմանված այլ լիազորություններ:

10. Նիստին հարգելի պատճառով չմասնակցելու դեպքում հանձնաժողովի անդամը այդ մասին տեղեկացնում է հանձնաժողովի նախագահին կամ հանձնաժողովի նախագահի տեղակալին:

11. Քվեարկությանը մասնակցում են հանձնաժողովի նախագահը, նախագահի տեղակալը և նիստին ներկա անդամները:

12. Քվեարկության արդյունքում ձայների հավասարության դեպքում որոշումն ընդունվում է թեկնածուի օգտին:

13. Հանձնաժողովի նախագահը՝

1) ղեկավարում է հանձնաժողովի աշխատանքները, հրավիրում և վարում է հանձնաժողովի նիստերը:

2) հսկողություն է իրականացնում որակավորման քննության բնականոն ընթացքի ապահովման ուղղությամբ:

3) ստորագրում է հանձնաժողովի նիստի արձանագրությունները և ընդունված այլ որոշումները:

4) իրականացնում է Հայաստանի Հանրապետության օրենսդրությամբ և սույն հրամանով սահմանված այլ լիազորություններ:

14. Հանձնաժողովի նախագահի՝ նիստին չմասնակցելու դեպքում նրան փոխարինում է հանձնաժողովի նախագահի տեղակալը:

15. Հանձնաժողովի քարտուղարը՝

1) նախապատրաստում է հանձնաժողովի նիստերը:

2) ընդունում, հավաքում և պահպանում է անձանց կողմից որակավորման քննությանը մասնակցելու համար ներկայացված անհրաժեշտ փաստաթղթերը.

3) հանձնաժողովի նիստի անցկացման վայրի, օրվա և ժամի վերաբերյալ պատշաճ կերպով իրազեկում է հանձնաժողովի անդամներին.

4) արձանագրում է հանձնաժողովի նիստի ընթացքը, ստորագրում նիստի արձանագրությունը:

4. ՀԱՆՁՆԱԺՈՂՈՎԻ ԳՈՐԾՈՒՆԵՈՒԹՅԱՆ ԴԱԴԱՐԵՑՈՒՄԸ

16. Հանձնաժողովի գործունեությունը դադարեցվում է Հայաստանի Հանրապետության օրենսդրությամբ սահմանված կարգով:

17. Հանձնաժողովի գործունեության դադարումից հետո հանձնաժողովի գործունեությանն առնչվող փաստաթղթերը և այլ նյութերը ենթակա են պահպանման Հայաստանի Հանրապետության օրենսդրությամբ սահմանված կարգով: